

湖北詩徵傳略

湖北詩徵傳略卷十五目錄

黃岡

唐周堉

宋潘大臨

弟大觀

孫賁

何頡之

何迂安

元龍仁夫

潘子安

滕賓

明王廷陳

郭慶

瞿珪

王廷瞻

胡大順

王如琮

袁文伯

袁希燮

王追美

追驪

何閔中

王弼鳴

王弼翥

王同軌

蔡馨明

呂禧

孫元音

周之訓

汪國燦

樊維甫

陳師泰

萬爾昌

弟爾昇

朱日濬

何 譔

弟謙

鄧雲程

子之愈

何履仕

胡 珙

萬曰吉

馮雲路

子永明

胡問仁

易道暹

杜 濬

杜 芥

杜世農

弟世捷

熊 秉

鄭先慶

萬昌言

弟燦

萬希槐

王式才

魏澤霖

李之泌

易爲鼎

官應震

子撫極

張光璧

孫朝宗

晏霽明

樊維師

補

程鳳金

洪周祿

王士龍

徐雲彰

蔡驥德

林之華

張有孚

萬壽祖

高登雲

釋死心

閩陳氏

湖北詩徵傳略卷十五

黃岡

孝感丁宿章星海輯 子彝校字

唐周

墀字德升

墀其先汝南人自褒城侯靈超徙居黃岡歷梁隋皆顯仕墀少孤事母孝舉進士屬辭高古文宗雅重之累遷至義成節度使封汝南縣男以兵部侍郎召判度支同中書門下平章事遷中書侍郎抑王宰平章之請斥韋讓京兆之求會議河湟事不合旨罷爲歙南東川節度使鄭願言於帝曰墀以直言相亦以直言免帝悟加檢校尚書右僕射

酬李常侍立秋日奉詔祭嶽見寄云秋祠靈嶽奉樽罍風過深

林古栢開蓮掌月星珪幣列金天雨露鬼神陪質明三獻雖終
禮祈壽千年列上杯豈是瑣才能祀事宏農太守主張來贈王
僕射起云文場三化魯儒生二十餘年振重名曾忝木雞夸羽
翼又陪金馬入蓬瀛雖欣月桂居先折更羨春蘭最後榮欲到
龍門看風雨關防不許暫離營

宋

潘大臨

字邠老有柯山集

弟大觀

大臨少警敏不羈以詩名與蘇軾黃庭堅張耒相酬倡弟大觀
亦工詩傳者寥寥宋詩紀事所採古體長篇如風雨圖柯山圖
浯溪中興頌外不多見

邠老唐太僕卿季荀之後衢之曾孫鯁之子得句法於東坡與

洪駒父徐師川洎予友善山谷嘗稱邠老天下奇才白鳥沒飛
烟微風逆上船江從樊口轉山自武昌還星日懸終古乾坤別
逝川羅浮南斗外黔府古河邊西山連虎穴赤壁隱龍宮形勝
三分國波流萬世功沙明拳宿鷺天濶退飛鴻最羨魚竿客歸
船雨打篷此邠老江間所賦也詩文侘皆稱是惜季未五十卒
潘子貞詩話

邠老寓武昌之樊口幼警敏不羈家極貧意泊如也世善釀酒
以之託業於肆而詩名藉式昔諸名士喜與之游山谷東坡輩
以其釀善每棹小舟徑造其市就飲觴詠竟日始去

臨川謝無逸嘗貽書邠老詢近日新作詩否曰殊來景物件件

是佳句恨爲俗氣所蔽翳耳昨日清卧聞攬林風雨聲遂起題
壁云滿城風雨近重陽忽催租人至遂敗興祇此犬句奉寄聞
者莫不笑其迂濶

冷坐夜話

春日書懷云舟楫臨漳水風濤接蠡湖龍媒成跬步驪頷脫微
軀樂土供遊戲深文苦繫拘胸中雖礪磊牆外或歌呼老去稻
生懶歸來谷子愚千鍾真臭腐十畝借膏腴春雨何曾密園花
竟自都小橋藏細柳方沼出新蒲酒熟拈巾漉芹荒帶雨鋤行
盤隨所有坐客幾時無日轉槐陰暮門通鳥逕迂仰頭看哺鷺
引手亦將雛撫事盆繅繭勞生戶轉樞形骸浮大塊毛髮燎洪
鑪世論幾膠柱人心盡好筭屠龍非至計射雉屈良圖借箸方

隆漢推枰已滅吳從渠畫麟閣吾自著潛夫王立之惠書答賦
云歸自江南卽定居漫勞親舊問何如剛腸肯爲藜羹轉病骨
聊憑竹杖扶南圃土腴千樹橘東湖春水百金魚明年生計應
堪說待倩君侯買異書佳句云八字山頭雁武昌江上魚詩束
牛腰藏舊稿書詆馬尾辨新讐

大觀字仲達江西詩派圖晉列其名而詩罕傳於世

孫

賁

字公素

賁雅負詩名嘗客於韓魏公爲教授書記魏公甚器禮之後官
奉議郎蘇軾嘗與之同幕魏公誚而刻之石

何頴之

字斯舉

頡之薦學善屬文自號樛突蘇軾在黃州時常與論文體法及
黨禁開後黃州重建雪堂頡之佗上梁文一皆傳誦嘗爲黃州
雜詠陸游讀而和之

何斯舉云壬寅正月雨雪連旬忽爾開霽閭里貧嫗相呼賀曰
黃棉襖子出矣因佗歌以紀之此名甚新更爲補佗一絕云范
未綈袍暖式身大裘只蓋洛陽人九州四海黃棉襖誰是天公
賜與均官林玉露

觀李伯岑題閭立本西域圖云窮荒未信子年欺自笑山林老
式枝海上嘗思龜散卷天涯欲化鳥工窺丹青閭令如曾到風
俗張騫舊獨知公喜著書尤博雅山經暇日補殘遺斷句云身

到瀛洲須命好官稱庾氏莫言卑長安古碑用梟石蠶尾銀鉤
擅精密缺譌橫道已足哀况復鐫裁代輒臂有如天吳及紫鳳
顛倒在衣吁可惜

宋詩紀事

何迂妄

遊赤壁和答韓子蒼云兒時宗伯寄吾州諷誦高文至白頭二
賦人間真吐鳳五年溪上不驚鷗蟹嘗見水人猶怒鵲有危巢
孰敢留珍重使君尋故跡西風悵望下城樓

宋詩紀事

墨莊漫錄謂靖康初蒼知黃州頗訪東坡遺蹟嘗遊赤壁而賦
所謂棲鵲之危巢不復存矣因他詩示何斯舉云宋訕紀事乃
云何迂叟復齋漫錄又云何次仲未知其爲一人也兩人也今

并存之

元

龍仁夫字觀復有周易集傳

仁夫本永新產官湖廣儒學提舉徙居黃岡今爲望族生平以道自任爲時矜式詩古文詞無不奇麗學者稱麟洲先生

呂文煥遊潯陽令仁夫賦詩應云老大蛾眉負所天忍將離怨付哀絃江心正好看明月忽抱琵琶過別船文煥大慙蓋譏其負宋也 過福建憲府宴集招官妓小玉帶佐觴憲使請曰今日之歡皆玉帶爲也願先生詩以酌之仁夫負海內重名雅畏清議然不敢違憲使令因應曰茵萑池邊風滿衣木樨亭下雨霏霏老夫記得坡仙語病體難禁玉帶圍

潘子安

官夔州有海
天清菴集

子安工詩賦所著頗傳於時久遂湮沒選元詩者皆未之及

滕賓

字玉霄至大間
官翰林學士

賓有文名一時朝廷著作皆出其手詩亦工鍊憎不傳

明王廷陳

字稚欽正德進士官
給事中有夢澤集

廷陳官庶吉士適武宗南巡與同館舒芬等七人疏諫帝怒罰
跪五日杖於廷出知裕州忤巡按御史喻茂堅削籍歸才氣高
邁以詩文著稱

明史文苑傳

夢澤性放誕官翰林時題詩館壁云幾年不到煤山上祇道煤
山都是煤今日煤山一回首野礬荆棘兩相隨蓋譏同輩無才

也 堅瓠集

稚欽逸藻波騰雕文霞蔚音商煇竹色艷膏蘭樂府古詩旣多
精詣五言近體亦是長城固已邈後凌前足稱才子楚眺云眺
迴臨高閣三湘萬里餘艸邊雲夢獵花下武陵漁白日山川氣
清秋水竹居仙蹤同伯業消歇總愁予生日有感東同館云五
十年來是行藏往日非因之念親舊存者亦幾希弧矢心猶壯
文章力已微操觚從二子衰薄謝餘暉

靜志居詩話

稚欽少年高第以恃才傲物致放廢終身其器量殊爲淺狹至
其詩意警語圓軒然脫俗則不得不稱爲一時之秀王世貞藝
苑卮言稱其如良馬走坂美女舞竿五言尤是長城又稱王稚

欽吳明卿之五言律各集妙境專至而有餘朱彝尊靜志居詩

話亦謂其音高秋竹色艷春蘭樂府古詩殊多精詣蓋在正嘉

之間何景明最爲俊逸廷陳之天骨雄秀抑亦騷乘矣

四庫書目提要

皇甫子循云梟府古詩齊軌潘陸下儼陰何五律並肩沈杜

俞汝城云清切不凡瑩潤可愛王元美云如良馬走坂美女

舞竿五言尤自長城穆敬甫云如阮嗣宗日坐步兵厨醉態

百出而自無寒酸語顧立言云調高趣新頗多奇句如深谷

幽巒冷然幽響殆與高岑方軌蔣春甫云五言漸近自然頗

多佳境陳卧子云爽俊故意警而調圓李舒章云操筆不

煩軒然鵲舉宋轅文云才情麗逸倘加以沈思當不減徐昌

穀

稚欽削秩免歸屏居二十餘年嗜酒縱倡樂益自放廢達官貴
人相慕好請謁者延見之多蓬髮跣足不具賓主禮時衣紅紵
窄衫乘牛跨馬嘯歌田野閒嘉靖初賜縑帛老於家聞箏云花
月可憐春房權映玉人思繁纖指亂愁劇翠蛾顰授色歌頻變
畱賓態轉新曲終仍自敘家世本西秦

續本事詩

矯志篇云蛟龍雖困不資凡魚鸞鷟雖孤不匹鴛鴦雖有香車
易地則棄蘭蕙不采無異蓬蒿干將不試世比鉛刀以驥捕鼠
曾不如狸餓夫獲璧不如得麋郭生純臣魯連高士彼乃登臺
此乃蹈海甯直見伐無爲曲全甯渴而歾不飲盜泉其不可式

世之概亦可少見矣

別裁集

稚欽當世惟皇甫汙材與相埒汙亦傾倒之至夢澤集序汙所撰也中有云不以左遷爲憾而以得繼蘇長公爲榮不以赤壁爲樂而以得見夢澤子爲幸又云君胡白眼於衆而傾蓋於余余亦何爲在衆欲殺而在君獨憐也又云楚多材之邦而賦詞之藪也屈原見詆於上官宋玉蒙詬於登徒禰衡被害於曹瞞然其志則爭光於日月而其言震響於霄壤矣君亦奚愧哉所謂文敵左氏國語而兼騁班馬者也斯集斯序竝衆不朽矣放歌云竊鉤者誅竊國者王仁義資亂道豈不臧式代秦者已解襲楚者黃巍巍國君大道在傍二謂尺何短謂寸則長此不可

度彼何可量

三解

獸殪罟裂鳥盡弓藏智勇既殫軀乃見殃

四解

巧爲忠直夫稱狂出門異趨毀譽曷常

五解

樂不可極憂來無方

游心冲虛以保壽康

六解

妾薄命云春風轉蕙披蘭高臺曲榭中

連經堂入奧張筵秦箏趙瑟俱前鳴絃度曲雙妍輕舉紈袖僊

僊宛若游龍翔鸞翠盤金爵闌干逞能角技爲歡種種厭射更

端眼看陽景西馳高張蘭燭承暉車倦馬怠不辭但歌不醉無

歸直深坐促尊移舍悵寫意向誰衆中色授君知願言竝蒂雙

棲惡聞易別輕離伫立不勝傍徨獨宿寤言難忘何以報君明

璫起視銀河爛光牛女咫尺相望終直不成報章

陳卧子云調本子建聲情

極行路難云北風蕭蕭雨雪滂辭我親友之朔方中閨少婦走

傍徨勸君斗酒牽衣裳道路縱橫多虎狼歲莫天寒百艸黃結
髮本期不下堂君獨何爲慕佗鄉東流之水不西歸宛轉娥眉
能幾時人生富貴亦有命辛苦奔馳空爾爲縱令鼎食有別離
賤妾但願共鋪糜張子魚過訪云故人天上至清宴夜深開澤
畔微芳度江臯暝色迴楓林停翠幃月岸擁金罍正苦歡娛逼
無令候吏催訪童內方太史於漢口卽席賦贈云漢廣來非偶
人遐會亦奇獨趨金馬去暫遣白鷗隨泛舸疑牛渚彈冠想鳳
池當憐澤畔侶憔悴不勝悲每憶朝端舊甯期漢上逢舉杯酌
鸚鵡吹笛擁魚龍天遠江俱盡風回渚自重知君欲解纜爲我
且從容病後答友人云一畝居連郢客鄉三年愁隔漢川長青

山各有幽棲志白雪遙傳寡和章自傍雲霞開藥圃不將塵土
灑荷裳洞庭雪後煙波闊簞底乘舟到草堂燕京元夕曲云香
車一一渡星橋翠袖雙雙引玉簫但訝遊人爭辟易不知夫婿
漢嫖姚

明詩綜

郭

慶

字善甫正惠
舉人官知縣

慶聞王守仁講學徒步往從三年得其說率清平以廉稱家居
儉約爲人質直好吟咏著述甚多後皆散佚

曹

珪

字廷獻正惠進士官
巡案有南坡奏議

珪立朝有風節俸餘不置私產奏議多見諸施行裕經濟者不
必定工於文章也而浯溪弔古五排中有古樹依懸壁烁蟬度

夕陽一聯吐屬固自不凡

王廷瞻

字稚表嘉靖進士官尚書贈少保

爲園云負郭開三畝耕鋤樂自真敢云輕綬冕聊以避風塵門外無干謁山中任屈伸息機常抱甕可是漢陰人

胡大順

大順嘉靖中寓京師以巫術召請仙佛見幸勅賜方外散人詩文奇詭一時傳誦

王如琮

字寶臣明經

山居遣興寄徐公云風定艸痕香斜暉挂短牆桃花安命薄燕子惜春忙慣病非關肺容愁倍轉腸鄰家催社鼓剩酒速余嘗

袁文伯

字綱全嘉靖舉人官知縣

文伯性至孝愛慕如孺子解組歸養親不懈者三十年太守楊節高其行登堂迓爲鄉飲大賓者五號曰孺慕先生宰潛山有惠政歲饑院使者過境供應不備使者慍曰汝讀書不知柔遠人乎答曰當此凶歲惟有子庶民而已

赤壁磯漫興云赤壁水落石粼粼我來石上投竿綸渭濱之璜那可釣白魚吹浪如相徇衡門孤悵寄泌水忘飢豈食河之鯉罷釣浩歌懷美人美人隔岸拾芳芷會須散步孤鶴洲問我何如壬戌秋我思東坡月猶昨清風江上同悠悠顧我老非西蜀客沈淪弗夢長安陌醉餘枕石蝴蝶飛覺來仰見東方白

袁希燮

字子理

希燮年十五和李本甯黃鶯白燕詩各十五章本甯大器之已而與三袁唱和又與喻羨長錢仲舉輩贈答於金陵遊蹟半天下歸隱茅山以著作老子璜琮副榜詩文敏捷有稱於時

王追美

字輝之嘉靖舉人有岫峨山人集

追驥

追美幼孤祖廷儒教之七歲舉郡神童郡守疑其妄試之應聲而就乃驚異之補諸生蒐羅圖籍恣力爲詩古文會試不售放情山水以詩酒自娛

追驥字千里題美人秋夜聽笛云月暗碁響停風肅蟲語悄側耳空外聽何處秋聲蚤激徵與悲商楚楚傷懷抱未知吹者心

聽者情如槁豈不纏綿思思深人易老如怨如訴饒有古音楚詩紀

何閔中

字蘧伯天啓進士官副使

余不善碁且厭之長夏無事勉與祝斯昌對局感賦云定裏關心戰守和踟躕真足爛山柯從來當局誰遊刃莫笑秦皇壁壘多昔有王源昌字紹貽號蓄圃繇進士同官副使亦工詩

王式鳴

號子聲字伯固萬厯進士官知縣有朱陵洞稿

式鳴韶年能文有神童之稱官知縣負才自放而所至有聲會脩國史大學士趙皋薦方徵用卒詩工五律佳句如晚風涼入座簾捲月親人書淫長不治藥裏近相寬樹圍春堡碧沙漲午

風黃洵不媿長城之目

便民倉爲漕米入江處時方憂旱云修竹迴斜徑高蟬噪夕陽
數行遷客淚一灑便民倉剜肉知何補勞心或自傷驕雷蟠赤
日念爾稼登場

王一翥

字子雲崇禎舉人有智林村長迹園青蓮夢樓等集

一翥夢澤尚書曾孫父追皋靖難黔中賜祭廕不屑以任子進
生負異才遊京師魏璫屬趙鳴陽延爲記室乃潛跡歸里旋舉
於鄉肯科名仕籍黨壤充帷遂拂衣隱廬山之吳鄆嶺著書十
餘年式夕爲盜肘篋以去還寓巴河家益落學益富文宗西漢
訕本風騷天下莫不知有王子雲也與人寤笑多危苦之言君

子知其忠孝憤懣事庶母極誠孝流冠犯境妻樊氏歿之

子雲忠臣裔今窘急且不能自活而餬其口於四方四方人知其由念子雲之大人當肯若弗堅意殉國生歿間稍稍能自謀子雲亦何遠爾恐自今以往天下之棄子孫以從王事者將寥寥也子雲且休其勿遊乎哉雖然子雲不遊子雲則端坐而餓余拙既不能爲子雲計何以勸其勿遊也子雲行矣莫愁前路無知己天下何人不識君

截金文毅公送行文

式翥楚名士也亂後隱廬山講學五老峯下一日與諸生同觀瀑布忽發問曰逝者如斯夫汝等止何解諸生不能對遂拂衣歸索與廬山錢牧叅先生善錢使東粵過黃州相見賦詩極懽

或曰上已時佳黃州地佳子雲人佳錢公詩焉得不佳

居易錄

長迹園遺稿從子雪洲給諫乞葉井未先生序而行之

一翥敏捷狂簡名於時晚節甚高詩文遂披放潦倒

顧黃公張石虹集序

予曾在黃州與諸老數聚飲赤壁斫鱸賦詩獨子雲曠達不羈真有步兵佳興其詩文清奇卓絕適如其人

顧黃公耳提錄

顧黃公謂子雲詩多頽然自放集中整鍊之作似不多見其意匠深穩犖犖可傳者亦復不少猛虎行云虎有牙爪土可爲阱虎有羽翼絲可爲羅算阱算羅將奈虎何於忽操云於忽乎不可以爲其又奚爲魚蝦離水澤兮安歸蛟龍失雲氣兮安依玉鳴列樹黃雀盈畦金丸不在手利器已失時毛髮容易變那得

待斯須登高山涉大溪僕夫况瘁眼迷離旣望東復向西天涯
寥濶道路倭遲美人隔絕寄書稀晝苦短夜苦長磨舊墨見新
光齊統百尺寫清狂勸君莫謀田宅謀美酒待我歸時煮肥羊
過西塞山云煙波釣叟北風吹公國何遲魏子思傳有七人皆
避世事乖六義莫唵詩劉郎浦上騎牛笛魯肅灣頭賣酒旗日
落亭山沙際泊西歸斷腸小峨眉與王維周共舟夜話云同溯
湘流素練高蕭蕭王事賦賢勞霜侵白月吹離思十載鄉心換
鬢毛過三沙磯塔懷寶藏云芥子須彌藏裏身空將木石壓江
潯曾從阿育王家過舍利雖多不救貧

王同軌

字行甫貢生官南太僕寺主簿有蘭香集

同軌高才博學能詩古文同呂元音修縣志著耳談吳明卿雅重之

錢牧齋云行父作詩不多自具風格不欲寄人籬下撰前後耳談纂述異同亦洪氏夷堅之流也

行白雲山中云雨餘林氣靜山晚日光斜野店依孤樹村橋卧斷槎馬嘶遙澗水犬吠隔林萼白首鉏雲者春風自一家赤壁樓上同弟綬父陪劉維芳雨集云登樓披秀色尊酒暫從君檻集千峰雨牕流滿榻雲魚龍寒自蟄鴻雁暮爲群共醉空明上人間世界分赤壁云來遊赤壁山不識麀兵處山南片片雲飛落崖前樹宮怨云永巷葳蕤瑣殘鐙黯淡花閒吹玉竈窸送月

過牕紗調高音雅卓自成家宜其不肯寄人籬下也

蔡馨明

字克明號岷陽天啟舉人官知州

馨明知州值獻逆犯城守禦力竭題句大雅堂壁閤門以殉有萬里羈魂歸不得還爲明聖護我眉句誦者輒爲酸鼻

呂

禧

字本善號丹稜嘉靖舉人官知縣

孫元音

禧少時嘗作烈女旨酒等賦奇字盈幅時人莫識王廷陳見而奇之目爲國器性簡靜吏事清飭暇則手式編吟詠不輟楊慎爲序其蜀稿茅瑞徵謂其詩有彭澤風斷帙殘編無從蒐訪惜哉子應端諸生以博學工詩稱句亦不傳

元音字節之天啟舉人有後軒集無懷詩集少負文名及長學

益瞻博能繩祖武詩法魏晉淡宕猶夷直逼古人春日赤壁晚
眺效謝康樂體云步出城西隅翛然靈界敞輕陰淡夕暉涼風
正飄蕩雨初綠野秀臺高白雲朗疊雉刺中流千颿落潏泱林
煙曳翠綃湖霞披絳幌旣懽僻野性復挾滄洲賞振衣登前岡
徘徊命吾黨愛此離埃氛且得脫羈鞅美酒滌煩囂劇談發神
爽會須倚層樓一嘯衆山響緘月挂東林義和節西弭遊目意
未足緩步信所履逕轉石磴圻溪漲漁梁毀翠荇出水鮮朱櫻
然林紫涓涓芳露潤淡淡行雲止野照光空明泉溜響清泚伊
余邱壑姿眷茲景物美登眺豁幽襟俯仰忘悲喜憑高身以軒
臨流耳堪洗冷冷御遠風悠悠得眞理塵世事俱非獨此逍遙

是預愁還市城車馬紛如駛

周之訓

字無逸號日臺萬厯進士官案管司副使諡忠烈

之訓工詩能文案嘗濟南城破望闕再拜闔門歿之送官賜谷
赴江右案嘗云重陽風雨正沉沉握別其如越鳥吟每悔出山
城小艸還思退步有長林愛時各灑英雄淚異地相懸大隱心
廬阜高臨彭蠡上何年三笑訪知音

汪國滌

字漪園有樵阜詩集

國滌明諸生才敏瞻以詩名晚隱并阜山麓號阜山樵人魏公
韓稱爲雲霄之上有其人麋鹿之羣亦有其人

冬日與魏薦臣登并阜山云山水與幽人情事多寥廓相對不

苟懂神理慎所託與子登高峯四顧生慚怍暮壑棲賓鴻昏鴉
四鳴躍何山不可登冥賞恆虞略翹首測幽遐胸中具五嶽秋
直同未餘話魏孝山莊云直靜談初洽露寒秋愈深一庭明月
影千載故人心時論忘追逐孤懷任隱淪更闌還剪燭聊以託
知音

樊維甫

字山園有易數未成緒弟維城編續之別有紫崖老人集

維甫世累簪纓而溺苦嗜學父玉衡爲御史時以建言護持國
本疏激切忤旨謫戍雷陽二十季不得理伯兄鼎遇以蜀令辭
官贖父罪不報憂憤卒季弟副使公維城寧亢宗生有異徵由
進士初知海鹽復踵伯兄志陳情瀝請始邀俞允率後得入祀

雷陽旌忠名賢祠維甫感賦四詠至今雷陽人猶能誦之其末

章云生竹何精枕瀟碑豈陟岵

承上章生竹出公安瀟碑在岷首

自有龍鸞奮

焉用牛馬走大道已爲公百神盡鼓舞先義雖菲薄於昭亦云補俊然仰機桹頽不蔽風雨衆正幸有託廣廈固不朽

維甫事蹟雜見於劉千里所撰樊副使傳曰公家世忠孝而尤重學伯兄德陽令仲兄山圖先生皆軼材博聞家多秘書文章最有師法公與山圖先生同時去官學益篤經術舊史神仙西竺之文咸手抄吟誦對客輒舉其詞析疑問難疊疊不止嘗望羗城五色雲起謂山圖先生曰此雲應賢人集其下兄當之矣先生曰布衣足動天文謂在位者耳其友愛相推重如此

陳師泰

字交甫崇禎舉人

師泰守蘇州有惠政乞疾歸鼎革後鍵戶謝客屢徵不起同時有章克濟字孝丑以進士官知縣挂冠歸稱詩光黃間爲明季逸民之最

萬爾昌

字師二崇禎舉人有顧莊詩文集

弟爾昇

爾昌少能文好賢尙氣節流寇亂母陶遇執爾昌號護求代賊感其孝釋之徙武昌見楚藩亟言防城不如防江不聽歸黃杜門絕口不言事功見樵夫牧子輒坐對竟日無倦容

先生爲吳棣邨祭酒所拔士推詩文宗匠顧值明季喪亂淡然榮利偃息田園詩如遠岫興雲蔚然深秀無一語沿襲三唐卽

同里公安竟陵之習唯五古彷彿發源靖節然偶爾託興筆行腕止間未始自命爲餞陶也截毛際可撰詩序

歸自黃州直泊趙磯云斷岸沿江路維舟信所安風連葭影靜月逼水光寒杯冷呼猶數更深詔未闌幾朝慙襍襪贏得此宵寬句如密篠依巖靜群蜂趁蕊貪孤光涵靜夜遠塔湧諸燈等聯皆峭逸可誦

爾昇字退脩有史求舛水岑詩集滋言集少豪華爲諸生有聲年三十棄舉子業結茆而居置一榻負牆坐當肩牆凹至尺探其袂虱盈握也四十餘年未嘗至門內與家人接

先生中年卽絕意仕途刻意爲詩以寓其歌泣讀偶然作寓言

十九如云前人網罟制後人無遺利物命方不堪人乃自言智
智盡形亦勞取稱妻子意識在位之營私也又云小鳥學鸚鵡
遂受樊籠厄啾唧似能言聰明已爲累飢來向人呼何暇毛羽
惜言文士寄人宇下如班孟堅蔡中郎之屬身名俱喪卽少陵
之於嚴武亦幾不免也又云本以射虎始而以射兔終豈無搏
擊策酣飲已爭功譏古來邊將養寇以自封千載一轍也又云
桃萼正欲謝木香色始鮮歡心猶昨日相愛已相捐桃萼若寄
語前此亦爭妍卽班姬團扇之詞不是過也又云凡物各有情
彊弱自爲生薦蘿附高柯豈遂藉其榮竊恐秋風起高柯先自
驚喻人之憑託權要而不知冰山之不足恃也至於指頭禪圓

通解脫亦是觀陀若曰柳眼曰雁字皆多至數十首以及梅
縵百韵皆天巧人工備臻其至節毛鶴舫撰詩序

朱日濬

字道淵又字菊
廬明經官司訓

濬詩從王孟入手咏韻答鄭肯崖云屈宋發楚聲餘音動下里
一洗梁陳陋洋洋自盈耳驚濤繞茆屋清風四座起欲寫瓊琚
意悽愴媿名紙感此倍綢繆江東春樹裏亦清脫可誦

何

譔字韋
長

弟謙字絨
仲

譔謙兄弟皆博學尙氣設人有一善必爲表揚與廣濟劉養微
交最善養微病譔謙家距三百里器用服食奔走應需者絡繹
不絕歲餘養微歿經紀其喪爲刻康谷子集其謠達好義類如

此誤子元方薦行能文劉千里爲序其集

鄧雲程

字扶風

子之愈

雲程嗜學工詩有用世志顧世亂不得施明季以諸生起義力保危城賊帥一斗栗畏之稱爲偉丈夫事敗隱伊雜國變自沈橫溪

桃粦塢云漢上諸姬付流水蛾眉誰許更千秋但能一死堪全節不至無言強事仇石洞蒼煙迷舊國桃粦石雨泛新愁詞義凜然惜佚末偶

之愈字識韓號翁歸諸生嗜學敢行痛父節不彰走千里至白下丐杜于皇作傳孝思不墮里人稱之

遵陽初度云年來負疾感衰羸黃綺驅人服紫芝顧影自憐蒲
柳質思親久廢蓼莪詩鳥飛豈爲嗟爰止鴻漸能無慎羽儀遙
計南歸圖拜掃故園菊已滿東籬返棹漁臺遇風泊白螺磯云
挂席山陰歸興豪鯨魚何苦蹙驚濤煙波四顧渾無際唯有中
流一葉舸

何履仕

字叔
鑒

履仕有俊才與李之泌晏清輩齊名詩工秀婉麗善擘窠書徑
尺尤佳

輓周烈婦詞云逸轡風屯萬馬馳俄驚飄瓦碎琉璣柔腸猶擁
孤雛泣勁節先爲老母知素厭紅樓牋燕子從無青黛拂蛾眉

春風冬日愁無際憶得貞孃絕命時

楚詩紀

胡

珙

字石崖諸生

珙好學汲古以詩名近體不多見古詩長篇尤佳爲金正希譚友夏所重曾爲序其集

萬曰吉

字允康崇禎進士官知縣有東有堂詩集

曰吉與兄介眉齊名官江南有鼓吹憂歸遽卒王子雲杜于皇甚悼惜之

竹垞稱其五律雖不能盡脫鍾譚之習亦天矯可愛於明詩綜選錄二首增影園云半壁依青嶂千峰落翠微艸堂冰雪路山鬼薜蘿衣斷塔仍棲鴿荒岡亦采薇中原方格鬥坐卧揜柴扉

哭艾千子云膚髮臣無恙朝廷事已非斯文將墜地先死亦知
機遺業驚殊域孤魂變故畿酸風吹劍水丹旄莫雲飛它如寒
食云燕不巢新幕蝶猶戀故枝旅感云澤中鴻未集天下士多
寒送僧歸廬山云潯陽潮自落楚岸月孤明皆沈著自然不落
纖靡

馮雲路

字漸卿

子永明

雲路好學勵行棄諸生從賀逢聖講學遂僑廬武昌著書數百
卷巡案御史林鳴球薦其才并上所著書不用及賊將渡江雲
路貽書逢聖曰在內以甯湖爲止水在外以漢口爲汨羅甯湖
者雲路論學處也城陷乘桴入湖賊遣人求之遙應曰我平生

但知讀忠孝書未讀降賊書也遂投湖歟

明史

書憤云堪嘆危城尙管絃杜鵑啼月血痕鮮呼天不磨空舌敝
拯溺無權媿手援所賴聖明威惠遠莫教艸野聽聞偏處分諒
有東山在借箸何勞孺子前語雖淺率意極沈痛

永明字清原生有至性痛父殉獻逆之亂哀毀幾不欲生鼎革
後足跡不履城市春思云一春常作客連日苦多風野樹淒迷
綠簷萼黯淡紅愁隨詩卷積囊與酒盃空巢燕如相識頻來艸
舍中句極清穩

胡問仁

字顏目原名珠字山佃諸生有無悶園樂府詩古文史類鏡十五國風詩論

問仁窮經史有智略崇禎癸未鄂城陷御史黃仲霖來監五省

軍上書萬言謁之黃疏請辟爲參軍不就率妻子耕釣梁湖濱
後更入鄂教授自給歟二十年潛心理學肆力于詩古文詞晚
家湖南滇吳之變始返黃岡時纂輯通志聘撰安陸鄖陽兩府
人物志

柴門云楚客頻蕭瑟騷魂那可招百年渾醉日萬古一詩瓢舊
是青山安新垂白髮嬌乾坤烽燧隔鎧影直寥寥无悶園蚤爍
前半云北山雖未見移文松菊多慙負舊耘世上於今尊吏隱
人間何地覓徵君

易道遲

字駸
侯

道遲嗜學工詩著聲江黃居深山中積書滿家賊氛漸逼愴所

積書又以已所著書多不忍棄及賊至長子爲瑚急奉母走青
峯巖道遲攜幼子爲璉擔書以行遇賊給曰我書賈也賊曰女
易曦侯何給我道遲曰君既知我當聽我言慎毋殺人毋焚廬
舍賊曰若身不保尙爲它人言耶道遲厲色叱之遂被害二子
請代并殺之 明史

杜濬

原名詔先字于皇號茶邨
副貢有變雅堂詩文集

先生明季爲諸生避流寇張獻忠之亂流轉至金陵遂久客焉
少倜儻常欲赫然著奇節既不得有所試遂一意於詩以此聞
天下然雅不欲以詩人自名也於並時人獨重宣城沈眉生吳
中徐昭發自愧不如其在金陵與先君子善客維揚則主蔣前

民金陵爲四方冠蓋往來之衝諸公貴人求詩名者湊至先生
謝不與通唯故舊或守土吏迫欲見徒步到門亦偶接焉門內
爲竹關先生午睡或治事則外鍵之關外設座約客至視鍵閉
則聖以待不得叩關雖大府至亦然及功令有排門之役有司
注籍優免先生曰是吾所服也躬雜廝與直巡綽衆莫能止先
生居北山太先君子居五里而近以詩相得旦晚過從非甚雨
疾風無間先君子構特室縱橫不及尋丈置牀衽几硯先生至
則嘯咏其中苞與兄百川奉壺觴常提攜開以問學先生偶致
雞豚魚菽必召先君子率苞兄弟往會食其接如家人丙寅春
先生七十有七攜襆被叩門語先君子曰吾老矣將一視前民

歸而窟室蔣山之陽死卽葬焉是日渡江數月竟死維揚方望
溪先生文集

啓禎之間楚風無不效法公安竟陵者于皇獨以杜陵爲師是
亦豪杰之士惜其阨窮以老孟貞曜所云好詩多抱山也登金
山塔云極目非無岼滄波接大荒人煙沙鳥白春色嶺雲蒼出
世登初地思家傍戰場咄哉天咫尺消息轉茫茫薄莫難爲狀
空中別有聞懸鐙江海合望月水分寥廓身何往飄零興不
羣向來峰頂色看作下方雲茭溜舟中偶成云一雨連三月開
帆趁晚晴春風吹岸艸知是石頭城臘盡還冶城口號云淮水
凍仍綠鐘山燒更青一椽來復去祇是短長亭妻孥誤見嗔我

信如潮汐出門必上元還家必除夕

靜志居詩話

茶村僑居金陵貧甚屢客廣陵甲辰人日大雪時鎖印無事余造訪之清言竟日乙巳七夕余北上京師諸人祖於禪智寺卽席賦五言茶村有句云記逢人日雪造我吟窮愁謂此也又于皇詠蘇子瞻詩堂堂復堂堂子瞻出峨眉幼讀范滂傳晚和淵明詩龔瑞毅每誦之以爲二十字說盡坡公一生又茶村送人入蜀云古意淮南葉佗鄉劍外舟不減古作

漁洋詩話

茶村與周櫟園諸名士觀鐙舫於秦淮櫟園出百金置席上爲采賭鼓吹詞茶邨遽起攫之曰鮑未知我貧也就唸席振筆直書立成長歌一百七十四句一座爲之傾倒晚年貧益甚往來

淮揚間客死金陵陳滄洲鵬年作守乃葬之於太平門之麓生平論詩極嚴於時人多所詆訶有富於財者重價購其集而焚之鄉人某搜得其遺稿行於世卽變雅堂集蓋不及十之三云
漁洋感舊錄

茶邨長篇頗近顏唐又聞鐙船鼓吹歌以此得名其實顏唐之尤者也茲錄其整頓有骨格者嵇康云嵇康人中龍義不可當
垂視彼盜國臣伎倆如兒戲吐辭薄湯武千載有生氣臨命索
琴彈聊示不屑意雋山云觸處迷人代茲山尙姓雋上頭仍棟
宇到眼忽雲霄樹色南徐近江聲北岸遙衣冠畱洞壑不必訪
松寮出郭來差遠憑高望獨深江分神禹跡海見魯連心密竹

藏金像回流灌石林擬尋幽絕處卻誦白頭吟

朋詩別裁集

康熙三年予與杜于皇陳其年輩同在如皋脩禊於冒辟疆水
續園賦詆或問杜阮亭詩何如曰興酣落筆搖五鬢詆成歡傲
凌滄洲又問君詩何如曰但覺高歌有鬼神誰知餓死填溝壑
池北偶譚

都是尋常眼面前語它人卻尋思不出經茶邨手便覺風致洋
溢其才高其筆妙也

詩觀

于皇所製同文十題崇尚風格則阮籍子昂譚說事情則文昌
王建而出之秀蘊納以精華調御古人爲才實勝故能韻空七

澤柱砥九江

范仲閣集

茶村詩一若幽叕深一若壯叕麗一若內無所不窺而外無所不際蓋定乎情而饒乎分力者也

金壇張公亮集

于皇才若春華鋒可截兕拈余友范仲闇社題一一傳以新意寫其韵有哀江頭陳濤斜之志焉

薛諧孟集

觀于皇詩固極天下之奇而正自腐乃詩家之真聲騷人之逸興將令人手胝足沫而不能釋

姜如須集

杜子生平之所抱悉於詩若文攄之學必徵夫原本論必首夫忠孝文也而行實著焉

鄭肯崖文集

先生葬時或口占云江南有客杜茶村文采風流世所尊不有滄州陳太守誰爲營葬太平門蓋哀之也朱少文直又有句云

不合昔宜癡太守金錢不愛愛詩人則交美之矣變雅堂詩思
深力厚每出一語初若無奇反覆吟誦精味愈出蓋胸中有書
筆下無塵故也 抱節軒類記

茶村五古氣韻沈鬱得二謝神髓五律渾灝精深雅有不屑依
傍唐人之意尤自成家唯七截稍乏蘊蓄妙諦然思穎筆峭令
人解頤處亦非淺根薄植所能夢見 雲望堂集

吳昶葉闇 林屋 曰余嘗論佳詩須直追古人又不得取肖古人
故難此意唯杜于皇能之它人不但不能恐未信也又曰杜于
味潘某虎坵游眺作古人何曾到此此詩出可廢元四家畫逸
品神品盡在個中又曰從來作虎邱詩者無一似虎坵者此詩

出實江山之幸

陳師晉曰沈確士以燈船歌爲顏唐其實茶村七古純以氣勝
間隨筆性似于顏唐然每篇精神結聚處如平原曠野忽開靈
境奇詭異鳥觸目紛來殊非人間所有

彭湘懷曰歸愚寢食新城一本韋柳冲澹之旨故以燈船歌爲
顏唐其實琵琶長恨初何嘗字字鍾鍊邪

于皇流寓白門龔芝麓尙書招飲演項王事扮虞姬者固楚伶
坐客曰楚伶演楚事先生楚人請賦之于皇振筆疾書曰年少
當場秋思深座中楚客最知音八千子弟封侯公只有虞兮不
負心語闕名教不得以罵座少之

取田詩話

往予爲茶村先生祠記遠想慨然殊有曠世相感之意及讀諸君憑弔諸誼獨契武昌王孝鳳夢茶邨先生而繫以三綱將委地此老獨扶天之句未幾孝鳳萬里省親克敦內行益嘆忠孝性成人其符契也如是家居多暇客有談予硯友秦訥夫撤瑟事則尤拚卷三歎而知茶邨先生之示夢非偶也訥夫爲吾邑耆學南游金陵攜佳茶澆于皇墓因想見其爲人徘徊而不忍去余素習訥夫與昔俗落落寡合閉戶著書三禮皆有注釋當日鐙檠舊好學著曲臺者在訥夫不忝黃直卿在予實宜倣揚信齊也憶予鄉舉肩輿往琴拒不見翌日徒步訪之雞黍之具止竟日譚跡其耿介拔俗之高風殆與廣漢蘇翁等近又聞漢

邑夏君斗南夢茶邨約訥夫復爲蘇杭之遊寤而寄聲訥夫如
欲赴約者閱誓市畢而終是豈滄甫之生前身高密文山之歿
再世道隣邪抑豈數十季前之澆墓因茗惠而久要不忘邪否
則茶村業習禮經見茶村送沈
形莽詩序與訥夫有針芥之合邪又或茶
邨氣凌顯賢與訥夫有聲氣也同邪予愧於茶村先生竊能爲
役而又慮訥夫之操行卓卓不傳於世爰紀其梗概於變雅堂
評記之後以爲聞茶村之風而神交於夢寐者忠孝之心徵於
孝鳳道義之守著於訥夫曠世相感之說古之人信不我欺也
王菊門先生葆醇堂文集

奉贈錢牧齋先生云古法所不傳斯文及劍舞非無雙龍精入

手且旁午六籍俱在世後生昧規矩止者握靈蛇徒令觀者苦
於戲古之人餘輝燿塵土虞山信人杰獨往實深覩式揮厝襍
門力宗遷與愈出入歐曾間鏗然秉匠斧余也嗜其文孤懷算
繇吐何期虎邱月式沃龍門雨衷言不遑究此意正千古送王
阮亭北上云淮水揚洪波中有沙棠舟偕問將焉之北行到幽
州殊風何習習秋雨何淅淅睠彼舟中人與我交綢繆方當來
佐理余適過邗溝官廩忍分俸自笑余何求干請誠則拙譚藝
固其優感君適野性飲啄勤相周送酒必醇醪推食必精羞勝
境必我招佳句必我投爨時貽我葛寒時貽我裘記逢人日雪
造我陰窮愁豈獨棄案牘居然忘貴遊人生意氣合豈在千金

翻揮手送君去此意今悠悠賦得鳥號白門柳云白門管日全
盛時千門萬戶楊柳枝楊柳多曾覺鳥少紅樓熟睡宵忘曉
新
夜於今稀復稀自從去年無絮飛唯見飢鳥逐人肉鳥多一半
城頭宿儂家垂柳餘一株啞啞嘗聚千百鳥儂愁儂倦耽春暝
其奈群鳥繞樹呼俛仰今宵感慨無限聽軫石彈琴云入座含
幽思三山展始歸方將彈古調迴復振金徽子意尤耽此此音
知者稀移晷身不動親叩海天扉愁腸不厭愁聽爾操離憂忽
到無聲處何曾有淚流盡長雙戶拚風定式絲遊心路冥冥接
入天詎可求別友云老我窺天意歡常興戚謀不知今夕聚又
得幾時愁孝婦何關雨騷人自怕秋漁樵相枕處心事獨悠悠

金山云山從南北望孤棹始登臨坐覺春雲動行看水國深江
流元自湧天地亦何心獨拜斬王廟英風爽客襟登金山塔云
虛空誰得住萬頃壖前奔孤日沿波轉遙天入海吞端倪應楚
越氣候豈寒溫赤縣神州意悠悠何可論焦山云遠跡滄江曲
山情實澹然石根爭插水樹杪欲浮天莫起蒼虬卧端如處士
賢再來應酹雀把酒坐高煙王嬭故里云亦復當時戚里新花
枝偏老漢宮春莫仇延壽仇婁敬渠是和戎作俑人聞友譚水
東之勝云魚愛深池鳥愛叢君談句句合幽踪憑將骨與青山
誓老號誼人杜水東

吳棣邨式代鉅手猶曰吾自見茶邨金焦諸誼始知爲五律其

折服如此茶村亦自云以少陵五古之法用之於五律故能獨
闢境界然非神思於諛者不能也五律美不勝錄謹摘佳偶如
贈陳侍御云帝稱其御史客揖大將軍譚侵深夜月墜入素秋
天騷忽終歸楚高謫往和燕送人歸楚并半云不是君來別余
幾忘故鄉弋時心共去千里夢相將古杏村訪友云野夫不識
路逐步問君家但見新荆棘曾無古杏粦登山塏前半云長
天頻失險孤塏自中流虎踞闕京邑烏樓俯成樓焦山云不向
山卑住甯知幽趣多七律筆致尤夭矯軼倫亦五律運古體之
法特不可以字句對偶求之前半如與友論諛云吾徒絕口塵
中事相聚焉能不及詩敢慕匡衡能結主誰知蘇武是吾師吊

次難將帥云杏山師潰國無門憤切戎衣點泪痕自是挺戈無
反顧羞同坐甲有成言病足喜友顧飲云吾道危如一木支誰
憐雙足數還奇呻吟轉側今何地跋扈飛揚彼一昔經年云經
年踪跡渾無定憶在南徐秋興多

杜

芥

原名紹凱字蒼畧
弟諸生有些山集

先生明季爲諸生與兄潯辟亂居金陵卽世所稱茶村先生也
兩先生行身略同而趣各異茶邨先生峻廉隅孤特自遂遇名
貴人必以氣折之於衆人未嘗接語言用此輩忌嫉然名在天
下訕每出遠近爭傳誦之先生則退然一同於衆人所著訕歌
古文雖子弟弗示也方壯喪妻遂不復娶所居室漏且穿木榻

敝帷數十年未嘗易室中終歲不掃除有子教授里巷間窶艱
每至日中不得食兒女啼號客至無水漿意色閒雅無幾微不
自適者閒過戚友坐遇有盛衣冠者卽默默去之行於途嘗避
人不中道與人語雖兒童厮與唯恐有傷也初余大父與先生
善先君子嗣從游苞與兄百川亦獲侍焉先生中歲道仆遂跛
而好遊非雨雪常獨行徘徊墟莽間先君子及苞兄弟暇則追
隨尋尋時玩景光椿艸而坐相視而嘻冲然若有以自得而忘
身世之有係牽也卒年七十有七後茶邨先生凡七年而得年
同方望溪先生文集

不見蒼畧於今五年矣遇阨而氣益昌家貧而學益富才老心

易趾高視下宜其所撰著宏肆兀昇富有日新也少陵之誣曰
文章千古事得失寸心知蒼略誣旣自評定則所謂千古寸心
者必自知之矣若其靈心潛發神者告之蒼略固不能自知也
而余顧能知也邪

錢牧齋有學集

辛亥暮春余與徐子同客雲間徐子示余皖江遊艸未展卷爲
三歎焉余嘗遊金陵自皖至采石上游江始東石益嶮常聞平
戰功在焉溯而哪咤板子磯弔侍中之捐軀惋靖南之遺烈得
毋慨然而賦乎若潯南獄也漢武射蛟佗歌處宋元設制置屯
兵重地皆不可無誣電發雜感曰南朝狎客無人見腸斷聲聲
燕子箋夫知其與孰若知其亂嗟乎電發之誣何其風流而蘊

藉哉

蒼畧 皖江遊舫自序

寒食同枕江作云暮田春艸色
等信落棹風倚檻今朝立憐君
客況同炊煙微覺冷酒盞不妨紅
莫作然林嘆荒蕪舊絳宮秦
淮竹枝詞云五柳居前夕炤寒
早潮落盡暮潮寬春宮小說紅
氈上儂愛鍾山雨後看莫嫌兒
家鈔庫街十年舉案只荆釵貧
身那向秦淮去浪子爭誇馬吊
牌峨峨冠佩侍中妻嘔血夫人
片石題昨與鄰姑談往事燒香
今直拜青溪桃葉桃根恥得名
南詞南曲舊陪京儂家十五逢
辰晚怕聽春鐙燕子聲

楚詠紀

杜世農

字湘民 涪子 有斷鴈吟

弟世捷

老友杜茶村才情妙天下初不知其有令子也甲辰冬始識其

長君湘民與論古今人品誼格瞭然不疑問所爲誼出斷雁唵
十八晉哭其弟柏梁作也颯然如飄風如奏枯桐破筑如聽泉
三峽如荒雞遠號桓山之禽流沫折翅逐子之猿三擲三躍始
讀而悲繼之唏噓於邑不知其所致也湘民言其弟穎悟工詩
十餘齡卽有雨蘭多向夜爍氣晚歸鐙之句又聽蟲入幾層天
淨雁微痕皆近日竟陵集中佳句弱冠喪母哀毀過甚嘔血斗
許輾轉床榻苦唵有云風前黃葉夏能飛果以夏月卒以余觀
柏梁誼慧則慧矣焉能壽湘民哭之目欲眇可謂至性過人矣
夫文章者性情之至也性情之至能使薄者厚慙者廉奸臣逆
子油然而忠孝之心生舍是皆落稗墜蕊朝華莫莢不足道也矣

湘民性孝友岸然貧約多膂力驍騎八尺駉弓六七石左右敬
決拾審固旋拍磬控盡其妙而以之爲詩忠厚惻怛伉寢備偉
如其人

顧黃公斷厠陰序

靖州天柱縣邊苗地也有一徑方四十里可達黔中邛邛甚便
而藁菁荆杞彌亘山谷諸苗穴之以肆剽掠有行僧杜和尚者
能詩歌談天下事如指掌大抵明末高人爲僧者也武勇絕倫
熟遊其地欲闢此徑募積多資具鋤斧雇健夫百餘人力事斬
伐月餘成坦道十餘里諸苗羣阻之杜持鐵杖重五六十觔獨
戰斃苗三曾餘皆披靡散凡三月竟成康莊當事者旣旌之笑
卻去遂於中途結茅獨居以衛往來行人如是數年一日晌後

有異僧負裝木械大刀入莽釋任呼杜具湯沐其聲甚厲杜訝之方事水火俯首竈前僧至厨房脫地有鐵火叉一足躡之卽叉足踏杜頸杜叉手起僧併擲牆上額破僧起奪火叉拔木函刀來砍杜急取木片方八寸許左右格避應削且盡遂奪門出奔僧急追走二三里皆已暮杜望山走渡小木橋因猿挂橋下僧追至橋上杜從下曳其足僧墮沮洳中杜下奪其刀問來意不畜舉刀欲殺亦不畜固詰之乃曰知爾武勇欲降爾相幹戈事今不諧殺耳復何問杜歎曰吾老矣天下大事亦久灰心况它勾當邪然爾敢忤我亦有膽勇者攜手歸菴具湯沐飲食詰朝辭去杜後語人吾黃岡籍先人墳墓在黃今暮年思歸正骨

邱言之輒歎息流涕後不知所終
吳德芝書杜和尚事

新安道中云澗水同奔馬千年石有痕結茆隨地勢到嶺近天
門俯視雲如海遙看雨過邨未須遊五岳只此已難言從容
落毳云新晴同緩步蘭若號從容毳是何年樹香隨出院鐘江
城吹笛苦夜雨入春濃尙可今宵看吾將茗椀從

世捷宇武功譙黃天濤杜來閣分韵云茲樓如有約高坐近
爍光月亦慶良夜人今當故鄉酒酣休聽鴈衣冷忽經霜暗覺重
陽近登臨興最長友人園病霍云竭力畱春住招攜得晚情頻
來等
有約偶與鶴相迎病鴈猶能舞孤懷不肯鳴臨池還炤影

予汝最關情

楚天樵唱曰孤懷
句寫病霍有身分

熊

秉字謂公

壬午初藹黃岡王又沂

源會

熊渭公

秉

會同人於黃雀樓與者

百人各拈韵賦詛渭公他四言末章云試望木末好粦翩翩清
明佳气勃發檻前渭公以禪制不與爍試爲同人祝也命意不
落凡近清明者豈科名足以當之渭公薦志正學有與李文孫
論致知書破姚江之僻爲予序詛以眉山淮海爲戎著緯恤式
帙皆四言也有云帝命元老黃屋左纛黃屋右纛命之莫保以
追刺武陵相荆襄債事而歿也

王船山詩話

鄭先慶

字亦懷式字公懷號肯崖諸生有書帶舛堂集

先慶性至孝友博學多才放情塵表于清端公

成龍

所稱肯崖

老人也與交最久嘗爲跋漁舟誄又序其集而梓之欲使讀書學道者知江漢間有張子同陸鴻漸其人也

先慶制行甚高吾鄉熊文端亟稱之跋人日及七賢詩後有云齊安鄧子公懷乃前輩曹厚荃孫斐臣之故友也讀所著人日及七言誄名言靜理直與康節觀物同一深造自得之妙非淺學所能幾及制府于公生平少所許可獨推重公懷則公懷之爲人可知矣又和朱子九曲擢歌漁父吟文端皆有跋先慶自號臨皋漁人有自著小傳

南行吟風味不減柴桑此可爲知者道也輓于公詩讀之可以下淚千古哭聲相同惟其真者能感人耳

熊文端公尺牘

槎上陰云天地此流水誰與奏絲桐日落滄浪遠雅翻林樹空
市沈百賈寂途盡故人窮欲刺舟何往天涯總亂蓬與友人胡
石江云白頭仍道路難向故人言每擬收孤策終無折毀轅河
山偕去雁歲月式奔猿抱甕葫蘆裹空云學灌園孤竹山堂云
讓國已千古西山且餓夫只知臣節大不計野薇無攜手乾坤
小同心骨肉孤故邱甯斲栗慨獨在黃虞咏滄洲漁父云釣竿
不別富春灘但要溪光七里寒陋矣孟嘗門下客老饕長使鉞
來彈

肯崖品詣清高詘筆超脫句如衽情看水能無險吾道尤人自
可羞殊雨君應看木葉西風我更聽商歌又靠着蘆簫便卜居

七字亦奇

萬昌言

字元方

弟燦

亂後登城云三戶僅存荒蔓合六朝如夢大江流與僧戒顯登
黃鶴樓云浮世已隨塵劫換空江仍入大荒流二語遠不易軒
輒楚天樵話

七律格高調逸變化從心且身歷滄桑故國邱墟尤不勝其馮
弔悽愴之感賦得城春艸木深云春靄依然郡郭浮風煙何似
舊神州鼎湖細雨悲龍舂茂苑繚華看鹿游三戶僅存荒蔓合
六朝如夢大江流伯鸞宮闕長經眼不及文山一小樓入閩云
策蹇徘徊未忍行離離禾黍故宮情三山雨雪殘雙闕五嶺荆

蔡敬兩京估客莫雲排鳥道纍臣落日聽猿聲共知險隘難方軌猶向天南望故旌

燦字季方寄欽人田云冽彼清溪水素鱗託蘋藻風日豈不殊
縈情惟夙好河鼓已宵移織機傷顏老天漢望客舫所恨秋
早攜手上河梁金玉傾懷抱兩翼忽驚飛抗志凌雲表興酣搖
五岳榮名以爲寶隻影誰與同止水空潦倒落葉滿階庭寒蟬
泣秋吳新芳及殘芷臭味分苑槁楚山接燕雲行行寄長道
帶日以遠珍重思紵縞意匠深秀爲三謝韋柳之遺響

萬希槐

字蔚亭貢生有惜分陰齋詩文集十三經證異

希槐九歲能屬文博通經史百家言族子門生承指授者多取

科第公乃卒老明經雖屯塞不以措懷杜門著述閤藏書家雖數百里不憚汗牛走致因學紀聞集證錢塘陳蒿慶同稹陳詩謂爲王氏之功臣間何之鉅友

王式才

字遠
屈

式才弱冠補諸生以文名襟度蕭散善譚名理誼俊逸超羣不食人間煙火人或勸其用世輒唯唯然性不可強也著後絕交論爲時所傳而詩文徵佚屢求弗獲

魏澤霖

字崔
山

澤霖家貧嗜學讀書於湖山之式輦葦厭舉子業怡情山水少交遊人多不識其面著紅雪盃詩集從孫希聖亦工詩不傳

李之泌

字叔仙有夙知錄
松鱗集悅泉齋集

之泌窮性理發程朱之旨明季隱白雲山劍峯下歲薦及徵聘
皆不就爲人嚴氣正性非其友不交一言居常閉目袖手而坐
有財則以與故舊貧乏者卒疇二日猶與同學論顏子四勿中
庸西銘天人之蘊子孝廸孝种皆淳篤力學孝种工詩善書泐

易爲鼎

字用
王

爲鼎有文在手曰汪因號汪來子以文章氣節著明季學使高
世泰修三楚文獻錄爲鼎汪三奇龍墳劉醇驥皆與焉晚年築
室白雲山教授生徒著經說四書尙書毛誦周易說雪香亭誦
艸龍墳字夢先邑貢生官應城訓導江西文惠翼雅似堂集云

墳以文名海內者三十年蓋高士也

官應震

字賜谷萬厯進士官太常卿

子

撫辰撫邦

撫極

過齊昌登浮玉磯云萬頃茫茫片石浮孤亭獨障大江流月明
有影鯨鮪懾風吼無聲鶴鶴愁吳楚兩分天塹在衙廬一望帝
鄉收斜陽不盡登臨興遲我重來作賦秋

撫辰字凝之以選貢官知縣少穎異博學工詩古文精天文兵
法上治河需兵議當事不能用丁母艱歸總督舉爲真保監軍
擢徐州知府皆不赴及閩粵諸藩遣使徵聘慨然曰天道不可
違也臣節不可變也祝髮維揚名惠昱號知劍道人雲遊名山
晚歲歸黃居維摩堂人猶呼爲劍突云

買山云何見山深白雲路千曲何以謂高蹈瀑布濯吾足石
頭半空必開口如相告見謂斯世人名美卽鵲毒含章自高貴
何事明如玉聆此如蘭言嗒然驚幽獨如盆涵魚藻小有幽致
高潔處亦如其人

撫極字建世號用葺萬厓拔貢官太僕少有文名詩不多作出
語輒覺可人

懷李筠城廣文云

筠城名夷潛江人司新訓值會匪犯境設伏
泔水賊驚遁台司將大用竟拂衣歸不

泔流光便擊空鳥紗時在釣船中東方大隱堪遊戲何必冥飛
天外鴻韎韐會將儒服刪么魔泣遁笑談間而今玉匣藏霜刃
忍聽頭顱積滿山

撫邦字綏山明經官訓導有滌放居天聲閣等集善書泐工詩
文卓然名家司訓大治披荆立學學者宗之遷梓潼令未赴山
居二十五年布衣蔬食晏如也

詛質樸茂間多幽雋之句如徑雨雲自舉息定穗初香葉墜全
疑蜨風香不是零曉插嶺雲天落落暮懸溪色露蒼蒼七古風
神遒舉多崛奇排弄出句同人泛舟紅樹下醉詞起二偶云式
湖明瑟雙楓底搖搖空碧鳴簫起簫聲逼樹淒復綺片霞映日
爭林紫重登西塞山入手數偶云楚江淡淡來千里峭壁攔天
江腹起流水無心忽若驚觸石怒止轟雷駛巖頂微嵐吹日紅
巖邊亂艸生陰風群鶴老雅欣所託藤縣壁綴如浮空子純仍

負異才蚤逝所著誼州中有竹影遮牕寒透月松陰匝地夏如
槐之句

張允璧

字斗符諸生有誠正堂誼文集

允璧生四齡日誦數千言七齡善屬文稱神童皋城徐學士致
覺屬以千炷之業十八應試作涵輝樓賦筆不加點郡守何應
珏深異之博綜圖書參貫義蘊能發前賢所未發

直汎夷壁云磯上西蜀人磯下西蜀水蜀水三峽來蜀人不再
矣小艇放漁哥擊節串流駛此夕非壬戌淼淼煙波裏

孫朝宗

字育山諸生有岱昇誼集

朝宗博極羣書精於誼客江南十餘年所交多知名士相與唱

和式昔推爲雋才
霖零百詠尤稱于時

晏霽明

字雲章
官太常

太傅山陰嚴公于端州行宮閣內書芭蕉葉云臣節惟知懷式
冷王言不敢褻雙溫於時有卿貳蒙溫旨者但得一褒語因詆
公不知典故票擬失辭云九卿例得雙溫蓋競躁之妄言耳故
公書此以見意黃岡晏雲章奉常霽明作排律二十韵以內閣
芭蕉爲題余和之今皆忘矣唯記晏作一偶云天情歟湛露海
氣避嚴霜王船山謹語

樊維師

字尙文有
雪莽陰州

維師少負逸才詩文下筆立就宏光時由附貢任淮安司李式

昔名士多與之游旋歸結廬寒溪歎訝以老詩不多見唯傳長春寺五絕云香火僧何在牛羊日又昏當時親禮佛猶見楚王孫

補程鳳金

嘉靖舉人
官知縣

鳳金宰彭澤有政聲士民戴如父母直指案部鳳金上謁獨後直指諷曰相度不當如是邪鳳金出曰人畏御史者以其權能忝人官也吾官自忝御史何畏乃挂冠歸題句縣門云式生唯拙天知我三載無能我愧官今日銓衡方論定好歸舊隱理漁竿直指讀之大慙急使人追之已無及矣

楚風補

洪周祿

字中石天啟
進士官知府

周祿能詛工書行艸尤妙絕一昔董元宰自謂不如其恣肆
烟水亭歌云澄湖如鏡煠痕淡雀舫聲移驚歛灩淺苔雲觀漲
疎霜堤柳歸雅飛片片禪天龍護走奔虹仙徑煙霏盤紫電江
帆日落星浦流夕陽小橋人景亂匡峯亘面削夫容昔有白雲
眉鎖斷山姿湖兒足幽尋晴好雨奇恣汗漫野燐忽復劃漁燈
簪影長空抱素練把酒誰堪問主賓寶月芳汀等雨徹笙歌元
艸醉宗風千年事業湖山半題雲水圖云劍氣徹瓊華朗然知
海曙不隨孤鶩飛時與禪心住

王士龍

字水濂明
經官教諭

賦得山中有春草云雲光綺陌岫華妍薜蘿深深翠幕連一片

露肥麋鹿徑萬叢雨溼鷓鴣煙行獺野思青杼眼坐嘯春風綠
到天莫只萋萋芳怨切王孫歸路已萋萋

徐雲章

字天孫
明經

漫興云廿載風塵一布袍今春又對草蕭蕭貧如好友難爲別
病似新姬不厭嬌三窟偏能輸狡兔一枝還自笑棲鷓鴣湘
水魂消盡有賦何人不用招

蔡驥惠

字篁
舫

同杜騷餘望烟雨樓云烟雨樓何處東南一望平湖頭流月碎
日脚瞰霞明遠樹連雲綠遙山入檻青忘機鷗鳥靜波溼不曾
驚井陘懷古云韓侯往事已烟迷剩有黃塵沒馬蹄漢戍尙餘

殘照裏長安遙隔數峰西已無畫角催刁斗牕有波聲似鼓鼙
可惜淮陰祠畔月寒宵獨伴嶺猿啼

林出華

字伯滋一字果存貢
生有鎖夢堂誼文草

出華工詩古文通經術著述宏富與王子雲林茂之才名相埒
詩鋌險探幽橫空盤硬亦自辟易千人

於忽操云於忽乎不可以爲其又奚爲魚鰕離水澤兮安歸蛟
龍失雲雨兮安依玉鵠列樹黃雀盈畦金丸不在手利器已失
昔毛髮容易變邗得待斯須登高山涉大溪僕夫况瘁眼迷離
旣東望復向西天涯寥濶道路倭遲美人隔絕寄書稀書苦短
夜苦長磨舊墨見新允齊紈百尺寫清狂勸君莫謀田宅謀美

酒待我歸肯煮肥羊猛虎行云虎有牙爪土可爲阱虎有羽翼
絲可爲羅莫阱莫羅將奈虎何再登采石弔太白云千年共泛
此扁舟游子懷深正早秋落葉兩番催客賦層雲百尺護仙樓
君歌以後孤明月人想从前拜綺裘牛渚佳期難再得愁無犀
火截江流

張有孚

字澄菴有
南游草

江夏阻雨遇鄭方南遣南游詛云黃雀樓邊酒詛情更復燦與
酣搖五岳句雅推江漢年少五龍吟才成白虎觀異鄉雖信美
無那客懷歎

王一鳴

見

皖中作云細細生青靄娟娟動綠筠晚涼風入座簾捲月隨人
天寶唐中葉長沙漠遠臣雙龍空在匣何地出風塵白蓮峯再
別阮太乙張若愚云草澤悲將隱蓮峯慰獨畱因君三日住贈
我萬山秋羊栗供僧飯滄浪憶釣舟諸天念離別鐘磬晚悠悠
十載云十載猶遷客孤蹤愧俗人長緘存後舌乍保夢餘身楚
澤雲千里春城月半輪潛夫潛未得飄泊損天真固鎮驛感舊
云憶昔朝天回憇此湍青沙白殢春陰已拌車馬兼程苦更劇
干戈死戰心羣盜就平悲放逐五年重到感登臨桃花最似曾
相識嫩蕊繁枝伴獨吟

陳師泰

雜詩云嚴冬氣凜冽貞幹凝奇姿所性終不改非時獨何施望
望春載陽百卉欣榮滋矧負千霄具而值楨國期奈何繁霜夜
一木卒難支違天知不免化碧復奚辭松柏本貞直蘭茝亦幽
清臭味苟不合草木寧孤生君子闢高齋恥以蓬蒿盈旁求倚
冢宰類聚惟羣英表端影自正權定衡自平鹽山偏易老誰使
應同聲

鹽山王忠肅翱也

辱臺唐有罰宋尤重諫官人必第一流風采

乃可觀疇咨本公愼清要任良難一從苞苴行遂使徑竇寬觸
邪非獬廌華國非鵷鸞先民有遺議晚近更奚歎進退決存亡
幾乃動之微小人戀雞肋遂以蹈危機豈不知其難欲遞不可
飛觸藩良自苦解組僅能歸吳門邀手誨隻字垂珠璣立雪更

何年一念一沾衣古人重成事莫重藏身固周防一以疏鄙夫
笑我度而況國之紀所衷屬天賦貞元苟未交六字方窮路脚
蹢躅與見敢不愼所指吁嗟問三子何處哀墟墓公安館陳慥
陶武進
陽入夢云驚看面目事全虛早是蒙莊化蝶餘故國崢嶸班玉
笋新柱搖曳異華琚千秋共矢原何事一是寧忘舊讀書友德
君恩君自問游魂何以涉吾廬

汪國灤

國灤材敏膽以詩名晚遭時變隱并阜山號阜山樵人而以樂
志名齋蓋以祖父皆仕于明兄姪復殉國難一身子立不肯捐
氣節而希寵榮惟徜徉山水爲詩以樂其志其旨深遠其意纏

綿其氣激昂其詩悲壯求之國初逸老中正宜與于皇變雅并
垂兩間野田黃雀行云不敢羨雕籠繡幕之白鷗不敢羨碧荷
清沼之文鴛一飲一啄適所天十步百步歸野田野田粟如坻
飛飛無妄思山農不時至雖有贈繳將安施長相思云長相思
河之濱寒雲一片擁迷津悲風瑟瑟暗飛塵萋萋芳草冬復春
鴛呂梁兮渡龍門望汭羅兮從隱淪相見安能再年少頓令天
涯爲比鄰江上云朝來挾彈擊江水江上鴛鴦驚彈起漁人岸
下忙舉罾浪平躍波有尺鯉鴛鴦飛去鯉浮游彈無所得罾空
收忘機江上行吟客閒看沙汀立白鷗山中踏月歌云山鳥夜
啼春山空明月照溪溪融融清磬出林穿溪水不遇幽人聲不

止幽人依磬植杖立綠畦亂蛙鳴復急耳中間磬不聞蛙聲聲
欲歇已還家春日過王涓來云幾日耽幽寂春光若在門長堤
榮古柳一水抱孤邨交貴知非晚時違道益尊共懷囊內劍不
爲報私恩秋夜同王叔餘話姚孝山庄云夜靜談初洽露寒秋
愈深一庭明月影千載故人心時論忘追逐孤懷任隱沈晚紅
隨意墮聊以託知音午日集友人次韻云相期俱不淺舉袂揚
清塵論道寬流俗悲時重故人江波非往昔蒲柳尙茲晨生事
浮鷗外虛舟隱釣綸過亡弟媿孝書屋云秋氣生湖水伊人去
綺羅若餘三徑寂書擁一床多恍惚生殘夢依稀聽苦哦孝誠
難遠別冥路更如何月夜湖上有懷云獨夜看明月孤懷倍凜

然波生深樹杪人隔一江天
鬢髯見紅葉淒涼聽暮蟬
離居凡幾載滯此復經年
遷居初度懷子雲廬山云
餘生何事向天涯
破壁空鐙照影斜
一夜雨能添客淚
十年春不見梅花
全畱野壑容樵牧
未許浮名誤歲華
遙憶匡廬松逕裏
聽殘清磬共無家
除夕同王叔餘分韻云
天涯與子爲知己
何事飄零復比鄰
鑪火自寒腸自熱
萍踪非主復非賓
乘除歲序同衰髫
偃蹇行藏愧老親
是處辛盤浮絳蠟
青鐙流影到孤臣

杜 濬 弟芥

感遇云吾求古賢意
冥如隔羅縠
迷迷得譬喻
坐覺意言足
莊周喻解牛
駟軻譬治玉
各秉天機裁
不遭人事辱
世間肉食兒

可以喻食肉值書四面看豈分中與角桃李著處栽蘭茝竝日
薰所以楚中橘遂爲天下聞在遠旣難訪越鄉竟無鄰常恐化
爲枳枝葉非我真夏夜聽公允彈洞庭秋思云楚國有君山君
山有湖裏西風凋山葉葉下洞庭水落葉還在湖詎若遠游子
十年離故鄉悲從朱絲起贈黃甫及云杜陵寂寞將欲死劉郎
贈我淮南子淮南爲人卓且眞磊落不染半點塵讀書一目數
行下說劒凜凜如有神雲霄不垂韓信釣徐泗正與黃公鄰橋
邊墮履臭味合臺上落帽風致親如此之人恨不相逢早吳宮
未埋幽徑草京都繁華未銷歇健兒身手各未老於今萬事皆
雨散才士相看惟有歎我曹變化誰能知學仙學佛猶可爲兩

後集合露堂言別云桐栢交陰徧蕭然雨後秋過從舍別緒言
笑隔時流古意淮南葉他鄉劒外州十年對知己今日更淹留
寄胡孝緒太史云野客天邊抱藜窮卻瞻藜閣憶名公詩成晉
代衣冠後別在秦淮簫鼓中想見雪兒歌折柳莫辭春酒學鄒
簡劉郎到日應相問虎氣龍身注草蟲元夕江樓看月云星火
夢瓜洲鐙時得勝游難逢今夕月復此大江流碧浸三山影煙
含萬古愁夜深誰擊楫吾道在漁舟真州雨泊因傷亡友金沙
于子秬云江路逢秋雨客衣增暮寒真州山不斷瓜渚酒猶殘
歸雁甯辭溼蘆花覺自乾故人今宿草回首憶交歡冬夜宣城
梅杓司過訪畱宿寓齋云北風今夜急吹月已成霜愛月嫌風

色開梅開草堂故人宛陵秀襖被況相將經歲纔同夢寧知更
漏長佛殿云大樹風多葉盡飄莊嚴猶自見前朝黑頭江令殘
碑在不記君王舊姓蕭礪邊云紅葉無風猶著樹青松媚日自
生煙鐘聲出場清如水早有幽人立礪邊白鹿泉云萬壑枯時
獨此泉支筇能不愛涓涓夜深一綫流孤月落石穿林去杳然
夕陽云憑高恰遇夕陽還盡見山前山後山身在山中能幾日
轉憐飛鳥向人間

漁洋感
舊錄

芥獨鶴亭云嗟峨華嶠孤一徑下雲匄荒草蔓荆榛五嶽誰能
辨有鳥從東來大翻異鄉縣武功雖尺五仰視目不眩圓吭裂
層霄丹頊甚平善應惜青城游見因如句踐

萬壽祖

字念五雍
正舉人

水中厯字云刷羽秋江陣陣過諸聲會意總無訛
銜蘆欲借蛇龍勢染翰全憑江漢波鄭重莫教魚作蠹
低昂幾訝影爲鷺長沙舊有招魂賦寫向瀟湘弔汨羅

高登雲

字丹壑貢
生官知縣

小孤山云萬派朝宗水孤山砥上遊直撐吳會脈橫截楚江流
幽壑潛虬蟄危巢俊鶻愁疏鐘飄兩岸分送往來舟

袁文煒

釋名
死心

文煒才富遇塞視髮京師崇國寺公安袁宏道弟兄招之作吳
越游已而歸奉其母以居聞警云烽火城邊百將營萬家鈴鐸

動悲聲中原子弟花朵千朵絕塞將軍草一莖膏血已枯仍列陣
文章無補漫談兵閉門不管人間事領略禪房夜味清

閩秀

陳

氏

明經陳少松
女林廷室

氏幼嫻詩禮適廷未逾年廷病劇製木主授氏而卒氏自縊家
人破戶救之仆地年五十卒預製棺自題曰復主廬遺命與主
俱瘞篋中有橫江詞云日落孤飄盡江流片石微千秋盟白水
不逐海風吹

王一翥

邵湘皋曰一翥與同里杜于皇劉克猷皆復社翹楚以文章風
議相砥礪克猷登第南歸阻雪泊舟荒渚見對岸一人青葙笏

立拄杖徘徊意態閑適克猷曰此必王子雲也使人邀之上船
一笑就坐傾飲極懽而去絕不問北來事

一翥妻樊氏當流寇陷黃岡時被掠至三江口賊逼之罵曰我
天下名士妻爾敢辱我賊笑曰名士係何官職氏曰不作賊耳
乘間躍江死

楚寶